

حقوقى بىلىپلەر مجموعهسى

هر آيك اون بىشنده نشر اولنور

محکمہ تمیز ہیئت عمومیہ سندھ :

مذبحہ : ۱ — تجارت قانونک صورت تطبیق حقنہدہ کی قانونک اونجی مادہ سی تجاری عقود ومقاولانہ عائد اولوب حقنر اولهرق وضع ایدلمش اولان حیز احتیاطیلردن متولد ضرر وزیان ادعالبته شامل اولهمن .

۲ — بؤکی ضرر وزیان ادعالردن طولای رؤیت دعوا تجارت محکمہ سنک وظیفه سی داخلنده اولوب اولادینک تدقیق وتأمل ایدله سی بولسز ومستلزم نقضدر .

غلطه ده محمد علی پاشا خاندنه ارنست موجبان افندی ایله بک اوغلنده طم طم محله سنده یکی چارشو سوقاغنده کائن شا کر پاشا آپارتماننده نعیم فه کیاس دیامامدی افندی میانه لرنده متحدث دعوايه دائر استانبول محکمہ اصلیه سی برنجی تجارت دائره سندن اخیراً صادر اولان ۳۰ حیزران ۹۲۷ تاریخ ۴۱۳ عددلی اعلامک تمیزاً تدقیق مومی الیه موجبان افندی طرفندن طلب واستدعا اولنمغله عائد اولدینی حقوق هیئت عمومیہ سنده بالتدقیق حکم اخیر مذکورک قسماً اصراری متضمن اولدینی متفقاً تحت قراره آلدقدن وتمیز استدعامه سنک مدت قانونیه سی طرفنده اعطا قلندینی آکلاشلدقدن صکره قبولیه اعلام مذکور واوراق متفرعه سیله معطی لایحه تمیزیه معاً بالمطالعہ تدقیقات تمیزیه اجراسنه استدار قلندی .

اعلام مذکورک خلاصه مالی : مدعی فه کیاس دیامامدی افندی وکیلی با عرنحال محکمہ مذکوریه مراجعتله ارنست موجبان افندی طرفندن اولجه اقامه اولنوب رد ایدیلان دعوی ضمنده وضع ایدلمش اولان حیز احتیاطیلدن متولد اوچ یوز یکریمی بش لبرا ضرر وزیانله اجرت وکالت و پروتسو وسائر مصارفی اولهرق صرف ایدیکی الی لیرانک مع فائض تحصیلی طلیله مومی الیه ارنست موجبان افندی علیه اقامه ایلدیکی دعوانک اجرا قلنان محاکمه سی نتیجه سنده : تجارت قانونک تطبیقنه دائر قانونک اونجی ماده سنده ضرر وزیانہ متدائر خصوصانک یکی قانون احکامنه تابع اولهجنی تصریح ایدلمسنه ویکی تجارت قانوننده ایسه بوقیل ضرر وزیان طلبی ایچون پروتستویه احتیاج اولمادینی کبی بلکه اخبار عادی ایلدهده بو وجیه ایضا اولسه بیله جکی مصرح اولسنه وقانون مذکور احکامنه نظراً محرومیت کار ایچون طرف دیکرک حیلہ وخدعه سنک ثبوتنه حاجت قالماسنه مبنی

مدعی علیه وکیلک نقاط سالفیه معطوف اعتراضاتک ردیه موافق قانون کوریلان
راپور موجبجه مبلغ مدعی به اوچیوز یکریمی بش لیرانک بالتحصیل مدعی به اعطاسنه
ومدعینک صرفه مجبور قالدینی مصارف قانونیه ایله مبلغ محکوم بهک یوزده اونی نسبتنده کی
اجرت وکالتک مدعی علیه تحمیلنه وفضله اداتک ردینه دائر صادر اولان حکمک عندالتمیز
تجارت قانونک صورت تطبیق حقنده کی قانونک اونجی ماده سی قانون تجارتک مرعیتدن
مقدم عقد ایدیلان تجاری مقاولاتک انعقاد وتمامیتنه وتفسیرینه واسباب ثبوتیه سنه وفسخنه
ومقاولات مذکورهدن متولد ضرر وزیانہ متدائر اولوب حادثیه شمولی بولنادینی حالده
اعلامک فقره حکمیه سندہ ماده مذکورهدنک تشعیلله بو نقطه نظر دن اسباب موجبہ
ذکر ایدلمسی مصیب اولمادینی کبی طرفین وکیللرینک تصادق لریشه نظراً اموالک حمزی
تاریخیله فکی تاریخی آره سندہ بش آی قدر برزمان مرور ایش واهل وقوف طرفندن
دخی شهری الی لیرادن بش آیه عائد ضرر وزیان تقدیر ایدلمش ایکن محکمه جه آلتی
بحق آیلق ضرر وزیانک تحصیلنه حکم ایدلمسی ودعوای واقعه حقسز اوله رق وضع
ایتدیریلان بره جزدن متولد ضرر وزیانک تضمینی کیفیتدن عبارت اولدیفنه کوره رؤیت
دعوی تجارت محکمه سنک وظیفه سی داخلنده اولوب اولمادیفنک دخی تأمل ایدلمه سی
مخالف قانون اولدینی بیانیله تمیز محکمه سی برنجی حقوق دائره سنک ۲۹ مارت ۹۲۷
و ۲۸۲۹ عددلی اعلامیه نقضاً محله اعاده قلمسی اوزرینه اجرا قلنان محاکمه وتدقیقات
اخیره نتیجه سندہ تجارت قانونک صورت تطبیق حقنده کی قانونک اونجی ماده سی
فی الحقیقه مقاولاته متدائر ایسه ده آنجق کرک قانون مدنیده وکرک تجارت قانوننده ضرر
وزیانہ سببت ویرن حادثه لر یالکز عقود ومقاولات دن عبارت اولیوب برده شبه مقاولاته
عائد بفصل مخصوص موجود اولسنه وبرکیمه یی بغیرحق اضرار بوقسمه داخل اولوب
جرائم مدنیه وتجاریه ده بو قیلدن وشو حالده مقاولاته ساری برحکم علماً او مقاولاتک
ضروری فرعلرندن عد اولنان شبه مقاولاته شامل بولنسنه بناء برنجی نقطه نقض وارد
کوریله مدیکی کبی محکمه کندیسنی وظیفه دار کوردیکی حادثه لرده بالطبع طرفندن هیچ
بری طرفندن براعتراض واقع اولمادجه وظیفه حقنده برقرار اتخاذا ایدمه جکنه
ومدعی علیه حرکتیه مدعی معین برمدت تجارت ایتک امکاندن محروم قللس وشو
محرومیتک ماهیتی تجاری اولوب قالدی که مقدما حمز قراری تجارت محکمه سنجه اتخاذا

ایدلش و دعوی تجارت محکمه سنده رؤیت وفک حجز قراری تجارت محکمه سنجه ویرلش و نهایت بو حجزلردن تولد ایده جک ضرر و زیانک تضمینه دائر کفالتنامه ده تجارت محکمه سنه ویرلشدر. محکمه بواساسلری بدایت دعواده نظردفته آلمش و آنجق طرفینک هر بری دعواسنک ماهیت تجاریه سی حقنده بر اعتراضده بولنادینی جهتله بو خصوصی تئیهته لزوم کورمديکندن بو خصوصده کی سبب نقض دخی غیر وارد اولمغله حکم سابقده اصراره واهل وقوف راپورنده تعیین اولنان مقداردن فضلیه حکم ایدلسی خصوصده بر سهو مادی کورلدیکی جهتله بونقطه یه بالاتباع قرار ویرلدیکی ناطقدیر.

لاحظه تمیزیه مقادی: حادثه نك تجارت قانونك صورت تطبیقی حقنده کی قانونك اوتجی ماده سنك دائره شمولندن خارج اولدینی و برحق قانونيك صیاتی ضمتنده یاپیلان بر معامله اصولیدن ناشی حقل سوء استعمال و یا غیر مشروع بر معامله ادعاسیله محرومیت کار و ضرر و زیان طلبنه حق تصور ایدیله میه جکی و وظیفه مسئله سنك ایسه رأساً نظر اعتباره آلمسی ایجاب ایده جکندن حکم میز بهک دخی نقضی استدعا قلمشدر.

ایجاب کیفیت مذاکره اولند قدده: تجارت قانونك صورت تطبیقی حقنده کی قانونك اوتجی ماده سی تجاری عقودات و مقاولاته عائد اولوب حادثیه شمولی اولماسنه و شکل ماهیت دعوا یه نظراً وظیفه و تطبیق ماده یه متعلق اولان نقض قراری وارد و لازم الاتباع ایکن بوجه محرر اصراره قرار ویرلسی مخالف قانون اولدیغندن حقوق اصول محاکمه لری قانونك درت یوز یکر می طقوزنجی ماده سی موجبنه حکم میز بهک دخی نقضه واحکام قانونیه دائره سنده ایفای معامله اولنق اوزره اوراقلک محله اعاده سنه.

عدد ۲۶۶۲ قرار نومروسی ۵۸۳۳
۶۴۱۱

موضوع: دوچار خسار اولان بر سفینه نك تعمیری درعهده ایدن مؤسسه سفینه نك فنك ایجاباته موافق و بلا تهلکه سیر و سفره صالح اوله جق صورتده تعمیری اجرا ایسکه مفکدر.

۲ — تعمیرک اجراسیله اجرت تعمیرک مقداری طرفین بیننده تعیین ایدلمش اولسه دخی تعمیری درعهده ایدن مؤسسه تعمیراتی و مقاوم بر صورتده اجرا یه مجبور اولوب بو صورته اجرا ایدلش

تعميراتك اجرت حقيقيه سني متعهدك طلبه صلاحيتي ومتعهد لهك ده بواجرتي اعطايه مجبورتي احكام قانونيه مقتضياتنددر .

۳ — اهل وقوف راپورنده بيان ايدليكي اوزره اقتضاي فني خلافيه باييلمش تعميرات تبجيهمسندہ عمليات تعميرهك استلزام ايتديكي فضله مصارفله حوض اجرتك محكوم به مصارف تعميره به ادخالي لازم كلوب كليجكك وكدلك غير فني باييلن تعميراتدن ناشي كينك قيمتك تناقصي موجب اولوب اولاديغتك تدقيق ايدلهسي مخالف قانون ومستلزم تقصير .

قره كويده قره كوي پالاس خاندنه ارمسترونغ ويكرس ليمتيد قومپانيهسي نامه مدير آندروشير افنديك امين اوكنده ريختيم خاندنه آق ييلديز واپور قومپانيهسنة عايد ريزه واپوري متصرفي صوفي زاده سري احمد بك عليهه اقامه ايدليكي مذكور ريزه واپورينك ضميمه اجرا ايديلن تعميرات بدلندن طقوز يوز اوتوز ايكي ليرا يكرمي بر غروشك تحصيلي حقنده كي دعوي ايله مدعي عليه مومي اليك مذكور قومپانيه عليهه متصدي اولديني بش بيك ليرا تخريبات بدلنك متقابلاً تحصيلي حقنده كي دعواك اجرا قلنان محاكمهسندہ كيفيت اهل وقوفه لدی الحواله دعواك راپورك ورودينه معلق بولنان كونده مدعي عليه سودي احمد بك كلهمش اولديغسندن متقابلاً اقامه ايدليكي دعواك دولاي حق محاكمهسنگ بالطلب سقوطنه واساس دعواده عندالاعتراض بالجله مدافعاتي نظر اعتباره آلتق اوزره مبلغ مدطهك بر اغستوس تاريخندن اعتباراً مع فائض نظامي مدعي عليهدن بالتحصيل مدعيه اعطاسنه متدائر صادر اولان اعلام غيبي حكمه محكوم عليه مومي اليه طرفسندن اعتراض على الحكم وقوعيله جريان ايدن محاكمه وجاهيهده معترض عليك اساس دعوي حقنده كي اعتراضاتي اعلام غيبي حكمه نظراً غير وارد اولديني كي اقامه ايدليكي دعوای مقابلهسي دخي اهل خبره راپورينه نظراً غير وارد كوردليگندن اعتراضات ودعوای واقعهسنگ رديله حكم غيبي مذكور تصديقه متدائر استانبول محكمه اصليهسي برنجي تجارت دائرهسندن صادر اولان ۸ مارت ۱۹۲۷ تاريخ و ۱۲۴ نومرولي اعلامك ايضاحات شفاهيه لرينك اخدي صورتيله تميزاً تدقيق مومي اليه سودي بك وكيلى طرفندن طلب واستدعا ايدلمكك يوم معينه ميمز سودي احمد بك نامه اوراق مياننده موجود اعلامده مندرج وكالتنامهسنة استناداً وكيلى مدحي سعيد بك دائرهيه كلوب ميمزعليه ارمسترونغ ليمتيد قومپانيهسي وقوع بولان تبليغات قانونيه به رغماً بروكيل

قانونی کوندر میدیکندن آنک غیابنده تدقیقات تمیزیه اجراسنه بالا بتدار تمیز استدعانا مه سنک مدت قانونیه سی ظرفده اعطا و شرائط لازمه سی ایفا قلندینی لدی التدقیق آ کلا شلمغله حاضر بولنان نمز و کیلی مدخی سعید بک لایحه سی مندرجانه دأثر ایضاحات شفاهیه سی استماع و اولیابده کی اوراق دعوی و تمیزیه مطالعه و تدقیق ایدلکدن صکره ایجاب کیفیت مذاکره اولندقدده : دوچار خسار اولان بر سفینه نک تعمیرنی درعهده ایدن مؤسسه بوسفینه نک فنک ایجابانه موافق و بلاتهلک سیر و سفره صالح اوله جق صورتده تعمیرنی اجرا ایملکه مکلف و تعمیرک اجراسیمه اجرت تعمیرک مقداری طرفین بینده تعیین ایدلمش اولسه دخی تعمیری درعهده ایدن مؤسسه فنی و مقاوم بر صورتده تعمیر اجراسنه مجبور اولوب بوصورته اجرا ایدلجکی تعمیرانک اجرت حقیقیه سی متعهدک طلبه صلاحیتی و متعهدله کده بواجرتی اعطایه مجبورتی احکام قانونیه مقتضاسندن اولسنه و مذکور سفینه نک بودوسلامه سنک آلت قسمنده کی سقطلغک تعمیری ایچون لوحه لک سو کوله سی و تسخین عملیاتنک اجراسی اهل و قوف راپورنده بیان ایدلدیکی اوزره قأ مقتضی ایکن قومانیه طرفندن اقتضای فنی خلافده حرکت ایدله لک بودوسلامه نک اوست قسمنده موجود چاتلاق محاکم قیرلمسنه بدیت ویرلدیکی مذکور راپورندن آ کلا شلمسنه و بوسبیله سفینه نک راپوره مربوط قرو کیده ارانه ایدیلان ایکنجی شکلی اکتساب اقمه سنه نظراً غیر فنی عملیات تعمیریه نک استلزام ایتدیکی فضله مصارفله حوض اجرتنک محکوم به مصارف تعمیریه اداخلی لازم کلوب کلیه جکنک و فنک ایجابانه غیر موافق بر صورتده یابیلان تعمیر نتیجه سنده کینک بودوسلامه سنده حصوله کلن انخانک کینک تنقیص قیمتی موجب اولوب اوله میه جفنک محکمه جه تأمل ایدلیه لک بوجه محرر حکم اعطاسی مخالف قانون اولوب بوقفه لره تماس ایدن اعتراضات تمیزیه وازد بولندیغندن حقوق اصول محاکمه لری قانوننک ۴۲۸ نجی ماده سنک فقره مخصوصه سی موجبجه حکم تمیزیه ک اسباب مذکورده دن طولانی نقصنه و کیفینک نقض واقع دأثره سنده مقتضاسی ایفا اولنق اوزره اوراقک محله اعاده سنه ۱۵ تشرین اول ۹۲۷ تاریخده متفقاً قرار ویرلدی.